

# NALUNAARUTIT - Grønlandsk Lovsamling

## Serie C-I

Immikkoortoq 8. Gruppe 1. Lb.nr.

### Isumaqatigiissut

### uunga tunngasoq

**Kalaallit Nunaanni meeqqat atuarfianni ilinniartitsisut il.il.**

**piffissaq suliffissaat**

Naalakkersuisut aamma Ilinniartitsisut Meeqqat Atuarfianneersut Kattuffiat, IMAK, Kalaallit Nunaanni Namminersornerullutik Oqartussani kommuninilu tjenestemandit pillugit Inatsisartut inatsisaat nr. 21, 18. december 2003-meersoq § 47, imm. 1 naapertorlugu Kalaallit Nunaanni meeqqat atuarfianni ilinniartitsisut il.il. piffissaq suliffissaat pillugu ataaniittumik isumaqatigiissuteqarput. Illuatungeriit aamma isumaqatigiissutigaaq malittarisassat Kalaallit Nunaanni meeqqat atuarfianni ilinniartitsisut il.il. isumaqatigiissut aamma Kalaallit Nunaanni meeqqat atuarfianni timelærerit taartaasartullu pillugit isumaqatigiissut malillugit atorfinitsinneqartunut atuutissasut (tassani sillimaffigisassat allasimasut ilanngullugit).

<b>KAP. I. AALLAQQAASIUT</b> .....	<b>4</b>
§ 1 Isumaqatigiissummi pineqartut .....	5
<b>KAP. II. PIFFISSAP SULIFFISSAP AAQOISSUUNNEQARNERA</b> .....	<b>6</b>
§ 2 Ukiumut atuarfiusumut piffissap suliffissap agguarnera. ....	6
§ 3 Pointit klassillu amerlassusaannik naatsorsuineq .....	6
§ 4 Ingerlatassanut pilersaarut .....	7
§ 5 Suliartornissamut pilersaarut .....	9
<b>KAP. III. PIFFISSAQ ATUARTITSINERMUT IL.IL. ATUGASSAQ.</b> .....	<b>10</b>
§ 6 Atuartitsineq pilersaarusiernerlu .....	10
<b>KAPITALI IV. ATUARTITSINERUNNGITSUMUT SULIASSANUT ALLANUT PIFFISSAQ.</b> .....	<b>11</b>
§ 7 Suliassat tamanut tunngasut .....	11

1 uannga 26

§ 8	Ataasiakkaanut suliaasat .....	12
8.A.	Suleqatigiinni suleqatigiinneq.....	12
8.B.	Klasselærerit siunnersuisarnerat.....	12
8.C.	Ilinniartitsisut siunnersuisartut, ilinniartitsissutit pillugit ilitersuisartut aamma pitsaassutsimik atuarfinnilu ineriartortitsisartut.	12
8.D.	Oqaluttariarsornermi misilitsinnerit.....	13
8.E.	Inaarutaasumik allattariarsorluni terminsprøvenilu misilitsinnerni nakkutilliineq.....	14
8.F.	Oqaluttarissasorluni misilitsinnermi censoriuneq.....	14
8.G.	Annertusisamik immikkut atuartitsineq.....	14
8.H.	Ilinniartitsisunngorniarfimmi, ilinniarnertuunngorniarfinni aamma pinngitsoorani kalaallisut ilinniartussanik ilinniartitsineq.....	14
8.I.	Kollegiani ilinniartitsisut.....	15
8.J.	Atuarfimmi atuakkanik atorniartarfimmi sulineq.....	15
8.K.	Atuarfimmi atuakkanik atorniartarfimmi aqutsisut.....	15
8.L.	Perorsaanermik siunnersuisoqatigiit ataatsimiinneranni aqutsisut.....	16
8.M.	Atuarfiit siulersuisuini ilaasortaaneq.....	16
8.N.	Atuartut siunnersuisoqatigiiffiannut atuartullu siunnersuisoqatigiiffiisa sulineranni ilinniartitsisut attaveqaataasut.....	16
8.O.	60-inik ukioqalernerneq piffissaq ilanngunneqartoq.....	16
8.P.	Atuartut sulinermik misiliineranni ilitersuineq nakkutilliinerlu.....	16
8.Q.	TR-tut suliaasat.....	17
8.R.	SU-mi ilaasortaaneq.....	17
8.S.	Atuartut tammaarneri, atuarfimmit angalanerit/paasisassarsiorluni angalanerit.....	17
8.T.	Atuartut festernerneq assigisaallu.....	17
8.U.	Atuartunut ataasiakkaanut ilinniagaqarnermik inuussutissarsiuutinillu ilitersuineq.....	17
8.V.	Ajornartorsiorloqalernissaanik sillimanermeq piffissaq.....	18
8.X.	Perorsaanermeq ullut ineriartortitsiviusut pikkorissarnerillu.....	18
8.Y.	Ungasianiit pikkorissarnerit, piffissap ilaani pikkorissarnerit studiekredsillu.....	18
<b>KAP. V.</b>	<b>TAPIT IL.II.</b> .....	<b>18</b>
§ 9	Atuarfimiittunut tapit .....	18
§ 10	Igatitsineq .....	19
§ 11.	Annertusisamik immikkut atuartitsineq .....	19
§ 12	Meeqqat atuarfianni atuartunik annertuumik innarluuteqartunnik atuartitsineq .....	19
§ 13	Kollegiani ilinniartitsisut .....	20

§ 14 Ilinniartitsisut siunnersuisartut ilinniartitsissutinillu ilitersuisartut .....	20
§ 15 Atuarfinni atuakkanik atorniartarfinni sulineq .....	20
§ 16 Persaqqusersorneqarnermut il.il. tapit. ....	20
§ 17 Suliaqarfinnut immikkut ittunut tapit .....	21
§ 18 Nutserinermi tapit .....	22
<b>KAP. VI. PIFFISSAMIK SULIFFIUSUSSAMIK NAATSORSUINEQ AKISSARSIALLU</b>	
<b>AKILERNEQARNERAT. ....</b>	<b>22</b>
§ 19 Piffissap suliffiusup naatsorsorneqartarnera .....	22
§ 20 Qaangiuttoorneq .....	23
§ 21 Akissarsianit ilanngaaneq .....	24
§ 22 Akissarsiat tunniunneqartarnerat .....	25
§ 23 Tapinik il.il. iluarsissuteqarneq. ....	25
<b>KAPITALI VII ATUUTILERSINNEQARNERA IL.IL. ....</b>	<b>26</b>
§ 24. Atuutilersitsineq il.il. ....	26

## Kap. I. Aallaqqaasiut

Piffissap suliffigisassap aaqqissuunnerani tunngavik pingaarneq tassaavoq sulineq imatut aaqqissuunneqassasoq allaffissornikkut ajornaatsuussalluni aammalu aqutsisut ilinniartitsisullu sulinerup aaqqissuunnissaannut ingerlannissaannullu sulinerminni periarfissaqartinneqassallutik.

Ilinniartitsisut piffissaq suliffissaat pillugu isumaqatigiissummi uani piffissaq nalinginnaasoq suliffissaq ukiumut ilinniartitsinerup sivilissusia malillugu tiimit 2080-it tunngavigineqarput. Nalinginnaasumik sulinngiffeqarneq akunnernik 200 tiiminik sivilissuseqarpoq, sulinngiffeqarnerlu aasaanerani atuarfiit sulinngiffeqarnerini/matoqqanerisa nalaanni pisussatut isigineqarluni.

Piffissaq suliffissaq katiterneqassaaq kapitali III malillugu ilinniartitsinermut piffissamik aammalu kapitali IV malillugu nammineq immikkut sulissanik. Ilinniartitsinermut piffissaq atugassaq ilinniartitsisumut ukiumut minnerpaamik 120 tiimiussapput, pineqartup suliaqarfinnik sulissanillu arlalinnik ingerlatsinera apeqqutaatinnagu. Atuarfimmik/angerlarsimaffimmik suleqateqarnissamut, nakkutilliinissamut/unikkallarnissamut, inulerinermut sulissanut aammalu SU-mik suliaqarnissap piareersarnissaanut piffissaqartitsisoqarpoq.

Pikkorissarnissanut, ulluni atuartitsinermi ineriartortitsinernut allanullu ingerlatsinissatut pilersaarutigineqartut malillugit piffissaqartitsisoqassaaq. Naggasiullugu akkordinut arlalinnut piffissaliisoqarpoq, taakkulu atuarfiup pointii, klassit amerlassusaat, atuartut amerlassusaat piffissallu ilinniartitsiviusussap sivilissusaa malillugu allanngorartarput.

Suleqatigiinneq sunniuteqarsinnaanerlu pillugit Kalaallit Nunaanni Kommunit Katuffiata aamma IMAK-ip sinaakkutaasumik isumaqatigiissutaat 5. januar 2001-imeersoq malillugu suleqatigiinnermut ataatsimiititaliaq kommunini atuarfinnut najoqqutassat suliarineqarneranni ukunani peqataatinneqartassaaq:

ilinniartitsisut piffissamik suliffissaannik pilersaarusiorneq tassanilu allannguutit,  
piffissap suliffissap agguarnera,  
ataatsimiinnissanut pilersaarusiap suliarineqarnera,  
ataatsimiinnissamut pilersaarutip saniatigut piffissaqartitsineq,  
ataatsimiinnissanut pilersaarusiamik allannguinerit,

ingerlatassanut ataatsimiinnissat pillugit pilersaarummi allassimasunik inin-  
ik atuineq aammalu  
piffissap 8-16 saniatigut ilinniartitsisut naapinneqarsinnaanerit pillugu  
aalajangersakkat.

Suleqatigiinnermut ataatsimiititaliaqanngikkaangat Sinaakkutaasumik isu-  
maqatigiissut malillugu suleqatigiiffeqarneq aqqutigalugu ilinniartitsisut sun-  
niuteqarsinnaanerit qulakkeerneqassaaq.

## **§ 1 Isumaqatigiissummi pineqartut**

Isumaqatigiissummi uani meeqqat atuarfianni ilinniartitsisut pineqarput.

Imm. 2. Ilinniartitsisut atuartitsinermik il.il. ingerlatsinermik saniatigut  
meeqqat atuarfianni aamma kultureqarnermi sunngiffimmilu sammisaqartitsinermi  
aqutsisut suliassaannik suliaqartut isumaqatigiissummi uani pineqarput. Kisian-  
nili ingerlatassanut taakkununga piffissaq tapillu meeqqat atuarfianni  
aqutsisut piffissaq suliffissaat il.il. pillugit isumaqatigiissut malillugu  
naatsorsorneqassapput.

Imm. 3. Suliassat meeqqat atuarfiat pillugu Inatsisartut peqqussutaat nr. 8, 21.  
maj 2002-meersumi taassumalu kinguneranik 1. august 2003-mi nalunaarutit  
suliarineqartuni isumaqatigiissutip atsiornissaanut ersittut isumaqatigiissummi  
ilaapput.

Imm. 4. Atuarfinni ataasiakkaani/kommunip atuarfiini ilinniartitsisut kapitali  
IV aamma kapitali V malillugu nutaanik annertusisanilluunniit ilinniartitsisut  
suliakkerneqarpata taakku piffissaqartinneqassapput taperneqassallutilluunniit.  
Tamanna kommunip IMAK-illu isumaqatigiinnerisigut sivisunerpaamik ukiunut atu-  
arfiusunut ataasiakkaanut pissaq. Isumaqatigiissutigineqartut pillugit Isu-  
maqatigiinniartarnermut immikkoortortaqarfik kommunip ingerlaavartumik ilisima-  
tittassavaa.

## **Kap. II. Piffissap suliffissap aaqqissuunneqarnera**

### **§ 2 Ukiuumut atuarfiusumut piffissap suliffissap agguarnera.**

Atuarfimmi suliassat tamarmiusut, tassunga ilanngullugu nakkutilliineq, na-  
joqqutassat atuarfimmu atuttut malillugit ilinniartitsisut aqutsisullu  
akornanni agguarneqassapput.

Imm. 2. Ukiup atuarfiusup sivisussusaa malillugu ataatsimiinnissatut  
pilersaarutit § 5 malillugu imatut sivisunerpaaffilerlugit agguarneqassapput:

Ukioq atuarfiusoq sapaatit akunneri 40-t: sapaatit akunneri 46-t imminnut atasut  
Ukioq atuarfiusoq sapaatit akunneri 39-t: sapaatit akunneri 45-t imminnut atasut  
Ukioq atuarfiusoq sapaatit akunneri 38-t: sapaatit akunneri 44-t imminnut atasut  
Ukioq atuarfiusoq sapaatit akunneri 37-t: sapaatit akunneri 43-t imminnut atasut  
Ukioq atuarfiusoq sapaatit akunneri 36-t: sapaatit akunneri 42-t imminnut atasut

Imm. 3. Ukioq atuarfiusoq aggustip aallaqqaataani aallartittarpoq.

Imm. 4. Ukioq atuarfiusoq semesterinut agguarneqarsinnaavoq.

Imm. 5. Piffissami suliffissami immikkoortut tamarmik isumaqatigiisummi uani 60  
minutsikkaartumik sivisussusilerlugit allassimapput.

Imm. 6. Atuarfinni sapaatip akunneranut ulluni tallimani atuarfiusuni katillugit  
arfininngornerni sisamani ataatsimiinnissatut pilersaarutini arfininngornerit  
ilanngunneqarsinnaapput, taamaattorli tak. § 16, imm. 3. Lejrskolit/atuarfinniit  
angalanerit eqqarsaatigalugit arfininngornerit sapaatillu maannakkutut ilan-  
ngunneqarsinnaapput.

### **§ 3 Pointit klassillu amerlassusaannik naatsorsuineq**

Suliassamut piffissap naatsorsornerani tunngavittut piffissap suliffissaq pillu-  
gu isumaqatigiisummi pointit amerlassusaat klassilluunniit amerlassusaat  
ilaatillugit, naatsorsuineri uku tunngavigineqassapput:

- 1. - 7. klassit 1 point klassimut ataatsimut
- 8. - 10. klassit 1 imaluunniit 1,67 point klassimut ataatsimut
- Immikkut klassit akuerisat 2,5 point klassimut ataatsimut

Imm. 2. Klassit imm. 3-mi taaneqartut imatut naatsorsorneqassapput:

1. 1. - 7. klassit aqqanilinnik amerlanerusunik atuartullit klassivittut isigineqassapput.
2. 8. - 10. Klassini klassit tamarmik atuartut amerlassusaat apeqqutaatinna-  
gu klassivittut isigineqassapput, imaalilluguli
  - a. klassit aqqaneq marluk ataallugit atuartullit klassimut ataatsimut 1  
pointimik naatsorsuisoqassaag
  - b. klassit aqqaneq marlunnik amerlanerusunilluunniit atuartullit klas-  
simut ataatsimut 1,67 pointimik naatsorsuisoqassaag.

Imm. 3. Klassit atuartullu imm. 2 malillugu ilanngullugit naatsorsorneqanngitsut naatsorsuinermi ilanngunneqassapput amerlassusilersuinerit uku skalat malil-  
lugit:

Atuartut 1 - 12	=	1 point
Atuartut 13 - 25	=	2 point
Atuartut 26 - 39	=	3 point
Atuartut 40 - 53	=	4 point
Atuartut 54 - 67	=	5 point
Atuartut 68 - 81	=	6 point
Atuartut 82 - 95	=	7 point

Skala taanna malillugu pointit tamarmik atuarfiup klassiinig naatsorsuinermi klassitut ataatsitut ilanngunneqassapput.

#### **§ 4 Ingerlatassanut pilersaarut**

Ukiut atuarfiusut aallartinneri tamaasa ilinniartitsisut ataasiakkaat ingerla-  
tassaannut pilersaarusiortoqartassaag. Ingerlatassat pillugit pilersaarummi al-  
lassimassapput suliasatut pilersaarutit ilinniartitsisup ukiumi atuarfiusumi  
ingerlatassaatut pilersaarutit, suliasanut ataasiakkaanut piffissaq atugassatut  
pilersaarut aamma ukiumi atuarfiusumi semesterini ingerlatassat inissisi-  
maffissaattut pilersaarut.

Aammattaag suleqatigiissutigineqartunut sorlernut ilinniartitsisup peqataaf-  
figissanerai ingerlatassatut pilersaarummi allassimassapput. Taassuma saniatigut  
ukiup atuarfiusup akissarsianik aalajangersimasunik ingerlaavartumik akiliisar-  
nissamut ingerlatassat pillugit pilersaarut tunngavigineqassaag.

2080 tiimit sinniutaat qaangiuttoornersiutitut akilerneqassapput. Tamanna atu-  
uppoq tiimit aalajangersimasuuneri imaluunniit ingerlatassat pillugit  
pilersaarutit avataatigut atugassanngortinneqarsimanerat apeqqutaatinnagu.

Imm. 2. Ingerlatassat pillugit pilersaarut ukuninnga imaqassaaq

- Tiimit amerlassusaat tamarmiusut, ilinniartitsinerit agguarlugit, takuuk § 6, aammalu kapitali IV kinguneranik suliassat.
- Ukiup atuarfiusup ingerlanerani suliassatut ilimagineqartut agguarnerat, ukiumi atuarfiusumi semesterinut agguarneqartumi semesterini.
- Kapitali V malillugu tapit.
- Suliassat immikkut ittut immikkut pilersaarusiorneqartussaasut, soorlu aallaarsimaarnerit, atuarfinniit angalanerit, alloriarfinni naammassininnermilu misilitsinnerit assigisaallu, ingerlanneqarnissaannut piffissaq atugassatut ilimagineqartoq allassimassaaq.
- Arfininngornerni sapaatinilu ataatsimiinnissatut pilersaarutit allassimassapput, tassunga ilanngullugit ataatsimiinnerit, atuartitsinerit sapinngisamillu pikkorissarnerit.
- Suleqatigiit/ilinniartitsisut suleqatigiiffigisaat aalajangersimasut ilinniartitsisut ataasiakkaat ilaaffigisassaat allassimassapput, assersuutigalugu killiffini ilinniartitsissutinilu suleqatigiit (ilinniartitsissutit pillugit ataatsimiititaliat, aamma
- Sapinngisamik suliassat allat pilersaarusiornissamik piumasaqarfiusut, assersuutigalugu atuarfimmi, killiffimmi klassimilu festernerit.

Imm. 3. Ukiumi atuarfiusumi ingerlatassat pillugit pilersaarutaagallartoq kingusinnerpaamik 15. juuni tunniunneqassaaq, ingerlatassat pillugit inaarutaasumik pilersaarut kingusinnerpaamik 1. aggusti, kisiannili piffissami 15. juunimiit 1. aggustimut ilinniartitsisut amerlassusaat allanngorpat ingerlatassat pillugit inaarutaasumik pilersaarutit tunniunnissaannut piffissaritinneqartoq 1. Septembarimut kinguartinneqarsinnaavoq.

Imm. 4. Ingerlatassanut pilersaarut ukiumut atuarfiusumut tamarmiusumut nalinginnaasumik atuuttarpoq.

Imm. 5. Ukiup atuarfiusup ingerlanerani ukiumut atuarfiusumut pilersaarummi tunngaviit annertuumik allannguuteqarpata ingerlatassat pillugit pilersaarut allanngortinneqartariaqarluni, ingerlatassatut pilersaarut sapaatip akunnera ataaseq sioqqullugu allanngorlugi nalunaaruteqarnikkut atorunnaarsinneqarsinnaavoq. Taamaattorli atuarfinni ataasiakkaani suleqatigiinnermut ataatsimiititaliap ilimasaarinissamut sivikinnerusumik piffissaqartitsinissaq isumaqatigiisutigisinnaavaa.



Imm. 6. Allannguutit annertuujussapput ukiullu atuarfiusup aallartinnerani ilisimaneqarsimassanatik.

Imm. 7. Kisiannili ilinniartitsisut ataasiakkaat tiimiisa amerlassusaat pisuusaaffiit ataallugit appartinneqarsinnaangillat.

Imm. 8. Ingerlatassat pillugit pilersaarut qulaani aalajangersakkat malillugit allanngornera ilinniartitsisut ataasiakkaat ukiup atuarfiusup sinnerani piffissap suliffissaasa appartinneqarneranik kinguneqarpat, qaammatit pingasut qaammatip naaneranut siumut nalunaaruteqarsimanissaq piumasqaataavoq.

Imm. 9. Piffissap ilimasaaruteqarfiusussap ingerlanerani tiimit aningaasarsiaqarfiusup iluini suliassat agguataarneqarnerannik atuarfimmi pisortap allannguutai malissavai, ataatsimiittarnernut pilersaarummi allannguutitut maleruqqusat/najoqqutarisassat malinneqartussaammata.

#### **§ 5 Suliartornissamut pilersaarut**

Suliartornissamut pilersaarut malillugu sulineq, tassunga ilanngullugit atuartitsineq, ingerlatassat/suliassat immikkut ittut, ataatsimiittarnerit, atuartut aallaarsimaarnerat, pikkorissarnerit, perorsaanermi ullut ineriartortitsiviusut il.il. ukiumi atuarfiusumi sapaatit akunnerini 46-ni imminnut atasuni ingerlanneqassapput, suliartornissamullu pilersaarummi allassimassallutik. Taanna semesterinut imaluunniit ukiumut atuarfiusumut (semesterinut agguarneqarsimangippat) sularineqassaaq. Suliassat atuarfimmi ingerlanneqartussat, soorlu atuartitsineq, pilersaarutaasumik ataatsimiinnerit, angajoqqaanik ataatsimiittitsinerit, nakkutillineq il.il. aallartiffissaq piffissarlu naammassineqarfissaat ilanngullugit suliartornissamut pilersaarummi allassimassapput.

Imm. 2. Suliartornissamut pilersaarut semesterip aallartinginnerani kingusinnerpaamik sapaatip akunneri sisamat sioqqullugit naammassineqassaaq, ukiup atuarfiusup aallartinnerani 1. augustimi. Suliartornissamut pilersaarummi kingusinnerusukkut allannguutit allannguutip atuutilinginnerani sapaatip akunnera ataseq sioqqullugu kalerriutigineqassapput.

Kisiannili atuarfinni ataasiakkaani suleqatigiinnermut ataatsimiititaliap sivi-kinnerusumik piffissaliinissaq isumaqatigiissutigisinnaavaat. Aammattaaq atuarfinni ataasiakkaani suleqatigiinnermut ataatsimiititaliap suliartornissamut pilersaarutip ukiup atuarfiusup aallartinnerani piffissami allami naammassineqar-nissaa isumaqatigiissutigisinnaavaa.

Imm. 3. Suliartornissamut pilersaarutip sularinegarnerani ilinniartitsisut atu-  
artitsinissaat suliassallu pilersaarutigineqartut allat sapinggisamik imminnut  
atasunngorlugit aaqqissuunneqassapput. Angajoqqaanik ataatsimiitsitsineq inuillu  
attaveqagatigiittarneranni aaqqissuussinernut atatillugu sulineq ukiumut 20-  
riarluni marlunnut avinneqarsinnaavoq.

Imm. 4. Atuarfimmi pisortaq naliliippat tamanna atuarfimmi pilersaarusionermut  
naleqquttoq, ilinniartitsisut ataasiakkaat kissaateqarnerisigut imatut aaqqis-  
suisoqarsinnaavoq, ukiumut ullut tallimat angullugit pilersaarutaasunik  
sulinnigiffeqartoqarsinnaalluni..

Imm. 5. Ullut suliffiit, tassani suliartornissaq pillugu pilersaarut malillugu  
ilinniartitsisoq suliartortussaalluni, minnerpaamik tiiminik pingasunik naatso-  
rsorneqassaaq.

Imm. 6. Suliassat suliartornissaq pillugu pilersaarummi allassimanngitsut ilin-  
niartitsisut namminneq ingerlassinnaavaat.

### **Kap. III. Piffissaq atuartitsinerlut il.il. atugassaq.**

#### **§ 6 Atuartitsineq pilersaarusionerlu**

Atuartitsineq pisarpoq ilinniartitsisoq atuartumut ataatsimut imaluunniit atuar-  
tunut arlalinnut ilitersuigaangat imaluunniit ilisimasassanik ingerlatitseqqik-  
kaangat.

**Oqaaseqaat:** Atuartut aallaarnerat, tak. § 8.S.1, ullut suliaqarfiit sammisaqar-  
fiillu paasisassarsiorlunilu pulaarnerit atuartitsinertut naatsorsuunneqassap-  
put.

Imm. 2. Tiimit atuartitsiviusut ataasiakkaat, tassunga ilanngullugit tiimit  
taartaaviusut, 1,88 tunngavigalugu naatsorsoqqinneqassapput. Naatsorsueqqinnermi  
tunngavik ilinniartitsisut atuartitsinermik ataavartumik nalilersuisarnerannut,  
iliusissatut pilersaarutininik suliaqarnerannut aamma atuartut ataasiakkaat kil-  
liffiannik nalilersuisarnerannut, ataatsimut pilersaarusionernut, klassinik  
holdinillu atuartitsinermik pilersaarusionernut suliareqqiisarnernullu, ilinni-  
artitsisut ataasiakkaat pilersaarusionerannut, atuartitsinermik suliareqqiisar-  
nermut, sulinermi ingerlaavartumik ilisimasaqarnerulernernut atuuppoq. Aamma-

taaq naatsorsueqqinnermi tunngavik tiimini 20-ni perorsaanermi ulloqartitsinermi peqataanermut atuuppoq. Kiisalu naatsorseqqinnermi tunngavik killiffiit pillugit ataatsimiinnermi aammalu perorsaanermi siunnersuisoqatigiit nalinginnaasumik ataatsimiinneranni peqataanernut atuuppoq, taakku ataatsimut 75-iullutik.

Imm. 3. Annertuumik innarluutilinnik paaqqinnittarfinni ilinniartunik tiimit atuartitsinerit, tassunga ilanngullugit tiimit taartaaviusut, tunngavimmik 2,25-mik naatsorsoqqinneqassapput.

**Oqaaseqaat:** Suliassat taakku ilaat, naatsorsueqqinnermi tunngavik atorlugu akilerneqartartut, tamassuma kingorna skemanut ilanngunneqarsinnaapput. Pineqartut tassaapput killiffiit pillugit ataatsimiinnerit matuma siuliani taaneqartut aammalu perorsaanermi isumasioqatigiit ataatsimiinneri kiisalu klassit holdillu pillugit ataatsimiinnerit allat. Killiffimmi ataatsimut pilersaarusionerme ilimagineqarpoq atuarfimmi ineriartortitsiviusussamik pilersitsisoqassasoq. Perorsaanerme ulloqartitsinernut, killiffiit pillugit ataatsimiinnernut aammalu perorsaanerme isumasioqatigiit ataatsimiinnerinut piffissat aalajangersarneqartut sipporneqassagaluarpata sippuineq immikkut qaangiuttoornertut akissarsissutigitinneqassaaq.

#### **Kapitali IV. Atuartitsinerunngitsumut suliassanut allanut piffis-saq.**

##### **§ 7 Suliassat tamanut tunngasut**

Atuarfiup/angerlarsimaffiup suleqatigiinnerannik ingerlatsinissamut ilinniartitsisumut ataatsimut ukiumoortumik 60 tiiminik atugassaqaqtitsisoqassaaq.

Imm. 2. Ilinniartitsisunut ataasiakkaanut nakkutilliinermut ukiumut 200 tiimit atugassanngortinneqassapput, tak. Atuartitsinerup ingerlanneqarnissaata naammassineqarnissaanut periusissat atuarnerullu nalaani atuarfiup atuartunik nakkutilliinera pillugit Namminersornerullutik Oqartussat nalunaarutaat nr. 11, 14. maj 2003-meersoq.

Imm. 3. Inulerinermut suliassat suliarineqarnissaannut ukiumut 55 tiimit ilinniartitsisunut ataasiakkaanut atugassanngortinneqassapput.

Imm. 4. Suleqatigiinnermut ataatsimiititaliami ataatsimiinnerit pilersaarusiornissaannut il.il. ukiumut 6 tiimit ilinniartitsisunut ataasiakkaanut atugassanngortinneqassapput.

## **§ 8 Ataasiakkaanut suliasat**

Immikkut suliasat suliarineqarnissaannut piffissap atugassanngortinneqartup qanoq annertutiginnissaanut najoqqutassat suliarineqarneranni atuarfinni ataasiakkaani suleqatigiinnermut ataatsimiititaliat peqataatinneqassapput.

### **8.A. Suleqatigiinni suleqatigiinneq.**

8.A.1. Ilinniartitsisut ilinniartitsissutit pillugit suleqatigiinni (ilinniartitsissutit pillugit ataatsimiititaliani) suleqataaneranni piffissaq atorneqartoq ilinniartitsisut ataasiakkaat ingerlatassaattut pilersaarutigineqartut annertoqataanik piffissamik tunineqassapput.

### **8.B. Klasselærerit siunnersuisarnerat.**

Klasselærerit immikkut siunnersuisarnerannut klassimi pineqartumi atuartumut ataatsimut ukiumut 3,3 tiimit atugassanngortinneqassapput.

### **8.C. Ilinniartitsisut siunnersuisartut, ilinniartitsissutit pillugit ilit-sersuisartut aamma pitsaassutsimik atuarfinnilu ineriartortitsisartut.**

Ilinniartitsisut siunnersuisartut, ilinniartitsissutit pillugit ilit-sersuisartut aamma pitsaassutsimik atuarfinnilu ineriartortitsisartut suliap suunera malil-lugu tiiminik atugassinneqassapput.

#### 8.C.1. Atuarnerup aallartinna aamma immikkut atuartitsineq

Kommunimi atuartut siulliit 100-t pillugit ukiumut 132 tiimit, taassumalu kingorna kommunimi atuartut 300-t aallartinnaanni ukiumut 66 tiimit. Annertusisamik immikkut atuartitsinermut atatillugu immikkorluinnaq siunnersuinermi ukiumut 66 tiimit atugassanngortinneqassapput atuartumullu ataatsimut annertu-umik immikkut ilinniartinneqartumut taassuma saniatigut ukiumut 22 tiimit. Tiimit ukiumut 1.452-inik amerlaneruppata tiimit sinniissutit ilinniartitsi al-lamut suliasissutigineqassapput.

#### 8.C.2. Atuarfimmi siunnersuisartut

Atuarfinni ikinnerpaamik 120-nik atuartoqartuni alloriarfimmilu 3-mi klassini alloriarfinni pingasuni tamani 99 tiimit atugassanngortinneqassapput, taassumalu saniatigut 6. - 10. Klassini atuartut 40-t aallartissutaanni tiimit 66-it.

12 uannga 26

Imm. 2. Kommunit atuarfiini 6. - 10. klassini atuartut imm. 1-imi ilaatinneqanngitsut kommunimi atuarfimmi ataatsimi ilanngunneqassapput.

8.C.3. Ilinniartitsissutinik ilitersuisartut.

Kommunit aalajangiinerat malillugu ilinniartitsissutinik ilitersuineranut tiiminni atuisoqartarpoq. Kommunini atuartut 70-it aallartiffiannut ukiumut tiimit minnerpaamik 66-it atorpeqartarput. Ilinniartitsissutinik ilitersuisartut arlaannaalluunniit tiiminit 66-init ikinnerusunik atugassanngortinneqarsinnaangilaq.

8.C.4. Pitsaassutsimik atuarfimmillu ineriartortitsisartut.

Atuarfimmi/kommunimi pitsaassutsimik atuarfimmillu ineriartortitsisineramik suliaqarnissamik pilersitsisoqarpat kommunip aalajangiinera malillugu suliap anner-tussusia malillugu suliamut tiiminik atugassanngortitsisoqassaaq. Pitsaassutsimik atuarfimmillu ineriartortitsisut arlaannaalluunniit ukiumut 198 tiimin-ik ikinnerusunik atugassanngortinneqarsinnaangilaq.

8.C.5. Atuarfinni ataasiakkaani suleqatigiinnermut ataatsimiitaliani allamik isumaqatigiissuteqartoqarsimangippat - takuuk § 8-mut aallaqqaasiut, atuarfimmi aqutsisut ilinniartitsisut siunnersuisartut, ilinniartitsissutinik ilitersuisartut aamma pitsaassutsimik atuarfimmillu ineriartortitsisartut isumasioreerlugit aalajangiissapput tiimit qanoq amerlatigisut - imaassinnaavoq tamarmik, suliaqarfinni ataasiakkaani suliarternissamat pilersaarummut ilanngunneqassanersut.

8.C.6. Atuarfinni allani ilinniartitsisut siunnersuisartunik aamma ilinniartitsissutinik ilitersuisartunik atorfinitsitsisoqarpat, atuarfimmi pineqartumi atuartut amerlassusaat tunngavigalugit tiimit naatsorsorneqassapput, akuuk 8.C.1-C3. Atuartut taakku qitiusumik atuarfimmi ilinniartitsisut ilinniartitsisutinillu ilitersuisartut tiimiisa naatsorsorneranni ilanngaaticineqassapput.

#### **8.D. Oqaluttariarsornermi misilitsinnerit.**

Sammisani tamani atuartumut ataatsimut misilitsinnissamat 1. decembarimi allat-torsimaffik naapertorlugi misilitsinnissamat nalunaarsimasumut 230,-kr.-inik akissarsiaqartitsisoqassaaq.

Piffissami atugassanngortinneqartumi oqaluttariarsornermi misilitsissutissanik suliaqarneq misilitsinnerullu ingerlanneqarnera akissarsianit matus-suserneqartarput.

**8.E. Inaarutaasumik allattariarsorluni terminsprøvenilu misilitsinnerni nakkutilliineq.**

Allattariarsorluni misilitsinnermi nakkutilliineq piffissatut nakkutilliinisamat pilersaarutaasumut ilanngunneqassaaq.

**8.F. Oqaluttarissasorluni misilitsinnermi censoriuneq**

Ilinniartitsisut meeqqat atuarfianni censoriusussatut atorfinitsinneqartut imaluunniit toqqarneqartut piffissami misilitsiffimmi tassungalu atasumik piffissami angalaffimmi sumiiffinniinnermilu akissarsiaqarlutik sulinnginnissamik akuerineqassapput.

Imm. 2. Misilitsinnerup akissarsiaqarluni sulinngiffiusup ingerlanneqarnera piffissamit pilersaarutaasumit sivisuneruppat tamanna qaangiuttoornertut akilerneqassaaq, takuuk § 20, imm. 2, litra c.

**8.G. Annertusisamik immikkut atuartitsineq.**

Immikkut atuarfinni atuartitsinnermi atuartitsinnermut atatillugu suliassat immikkut sularinerannut ukiumut 132 tiiminik atugassanngortitsisoqassaaq, tassunga ilanngullugit perorsaanermik pilersaarusiorkluni ataatsimiinnerit, suliassat pillugit ataatsimiinnerit nalunaarusiornerlu. Tiimit skemaniissapput.

**8.H. Ilinniartitsisunngorniarfimmi, ilinniarnertuunngorniarfinni aamma pinngitsoorani kalaallisut ilinniartussanik ilinniartitsineq.**

8.H.1. Ilinniarfissuarmi ilinniarnertuunngorniarfinnilu atuartitsinnermi ilinniarfimmi pineqartumi tiimimut ilinniartitsiviusumut ataatsimut ½ tiimi ilanngunneqassaaq. Tassani tiimit atukkat 2,0 tunngavigalugu naatsorsoqqinneqassapput.

8.H.2. Kalaallisut oqaaseqanngitsunik pinngitsoorani kalaallisut ilinniartussanik ilinniartitsinnermi tiimimut ilinniartitsiviusumut 1 tiimi ilanngunneqassaaq. Tassani tiimit atukkat 2,0 tunngavigalugu naatsorsoqqinneqassapput.

8.H.3. Ukiuni atorfeqarfiusuni marlunni ilinniartitsisut 8.H.2-mi taaneqartumik ilinniartitsinnermi peqataasut 60 tiiminik atugassaqartinneqassapput, taakkulu tunngavik 2 atorlugu naatsorsoqqinneqassapput.

### **8.I. Kollegiani ilinniartitsisut.**

Atuartut inaanni ilinniartitsisut ukiumut 132 tiiminik aammalu atuartumut ataatsimut 33 tiiminik atugassanngortinneqassapput, annerpaamilli ukiumut 726 tiimit.

### **8.J. Atuarfimmi atuakkanik atorniartarfimmi sulineq.**

8.J.1. Atuarfimmi atuakkanik atorniartarfimmi sulinermi tiimit tamarmiusut atuarfiup pointini kisitsisai malillugit aalajangerneqassapput, taamaalilluni pointip ataatsip ukiumut 27,06 assigissallugit. Tiimit naatsorsorneqartut kisitsisinut ilivitsunut qaninnernut aaqqinneqassapput, ingerlatassanillu pilersaarummut ilanngunneqassalutik.

8.J.2. Atuarfimmi atuakkanik atorniartarfimmi sulineq nalinginnaasoq perorsaannermi sullissivimmi sulinermut sivitsorneqassaaq, suliap annertussusianut sanilliullugu tiimit kommunip aalajangigai atorneqassallutik. Perorsaannermi sullissivimmi atorfik pilersinneqarpat minnerpaamik ukiumut 132 tiimit atorneqassapput. Tiimit atuarfimmi atuakkanik atorniartarfimmi tiiminut tamarmiusunut ilanngunneqassapput.

8.J.3. Atuarfimmi atuakkanik atorniartarfimmi sulisut / perorsaannermi sullissivimmi ilinniartitsisutut sulisut arlaannaalluunniit atuarfimmi atuakkanik atorniartarfimmi 726 tiimit qaangerlugit imaluunniit 198 ataallugit atugassaqartinneqarsinnaangilaq.

### **8.K. Atuarfimmi atuakkanik atorniartarfimmi aqutsisut**

8.K.1. § 8. J-imi tiimit naatsorsukkat saniatigut atuarfimmi atuakkanik atorniartarfimmi aqutsisut skemamut ilanngunneqanngitsunik- tassunga atasumik qaangittooornernik atugassaqartinneqassapput, tassunga ilanngullugit atuakkat pillugit ataatsimiinnerni peqataanermut, ukiumut 66 tiiminik aammalu nunaqarfimmi kommunit atuarfiini atuarfimmi atuakkanik atorniartarfimmi sulisoqanngitsuni klassimut ataatsimut 20 tiimit (minnerpaamilli nunaqarfimmi atuarfimmi ataatsimi 40 tiimit) taassumalu sanitigut nunaqarfimmi atuarfimmi ataatsimi illoqarfinnilu atuarfinni allani atuarfimmi atuakkanik atorniartarfimmi atuagaatilerisoqartuni ukiumut 20 tiimit.

8.K.2. Atuarfinni atuakkanik atorniartarfimmi aqutsisut arlaannaalluunniit ukiumut 1452 tiimit sinnerlugit atugassaqartinneqarsinnaangilaq.

**8.L. Perorsaanermik siunnersuisoqatigiit ataatsimiinneranni aqutsisut**

Atuarfinni sisamat sinnerlugit ilinniartitsisogartuni ilinniartitsisut perorsa-  
saanermik siunnersuisoqatigiit ataatsimiinneranni aqutsisut ukiumoortumik kr.  
3.500.-nik akissarsiaqartinneqassapput.

Akissarsianit matussuserneqassapput perorsaanermik siunnersuisoqatigiit  
ataatsimiinnerinik piareersaanermut, pilersaarusionermut, ingerlatsinermut  
ataatsimeereernermilu suliasat suugaluartulluunniit aammalu perorsaanermik  
siunnersuisoqatigiit sinnerlugit sinniisuunerit allat.

**8.M. Atuarfiit siulersuisuini ilaasortaaneq**

Ilinniartitsisut atuarfiit siulersuisuini ilaasortatut qinerneqartut kr. 6.000,-  
inik akissarsiaqartinneqassapput.

Akissarsianit matussuserneqassapput atuarfimmi siulersuisut ataatsimiinnerinik  
piareersaaneq, peqataaneq aammalu atuarfimmi siulersuisunut atatillugu suliasat  
allat.

**8.N. Atuartut siunnersuisoqatigiiffiannut atuartullu siunnersuisoqatigiiffiisa  
sulineranni ilinniartitsisut attaveqaataasut**

Ilinniartitsisut atuartut siunnersuisoqatigiiffiannut atuartullu siunner-  
suisoqatigiiffiisa sulineranni allani ilinniartitsisut attaveqaataasut malit-  
tarisassat uku malillugit piffissamik atugassaqartinneqassapput:

1 - 7 point	Ukiumut 16,5 tiimit
8- 20 point	Ukiumut 33 tiimit
21- 30 point	Ukiumut 66 tiimit
31- point	Ukiumut 99 tiimit

**8.O. 60-inik ukioqalernerimi piffissaq ilanngunneqartoq.**

Qaammatisiutit malillugit ukiumi ukiup atuarfiusup aallartinnerani sulisoq 60-  
inik ukioqalERPAT, tiimimut ilinniartitsivimmut ataatsimut 0,44 ilanngunneqas-  
sapput, piffissamulli ilassut taanna 720 tiiminik annerpaaffeqarsinnaavoq.

**8.P. Atuartut sulinermik misiliineranni ilitersuineq nakkutilliinerlu.**

Ilinniartitsisut atuartut sulinermik misiliinerannut atatillugu ilitersuisut  
nakkutilliisullu atuartumut ataatsimut 1 tiiminik ilasiffigineqassapput.



#### **8.Q. TR-tut suliasat.**

Sulisut sinniisaat, sulisut sinniisaat il.il. pillugit isumaqatigiissut malillugu qinigaasut, taamatut suliaqarnissamut sulisunut qulinut siullernut ukiumut 132 tiiminik ilasiffigineqassapput. Sulisut qulit aallartiffianni taassuma saniatigut ukiumut 33 tiimit ilanngunneqassapput.

#### **8.R. SU-mi ilaasortaaneq.**

Suleqatigiinnermut ataatsimiititaliami ilaasortat ataatsimiittarnertut pilersaarutaasup sivisoqataanik piffissalerneqassapput. Immikkut pisuni SU-mi ilaasortat piareersarnissaannut piffissaq atuarfiup aqutsisuisa sulisullu sinniisuisa isumaqatigiissutigisassavaat, tamannalu piffissap ilinniartitsiviup sivikillineqarneranik kingunegassanngilaq.

#### **8.S. Atuartut tammaarneri, atuarfimmit angalanerit/paasisassarsiorluni angalanerit.**

8.S.1. Atuartut tammaarneranni ilinniartitsisumut ataatsimut døgnip aallartin-neranut ataatsimut 7 tiimit ilanngunneqassapput. Tiimit § 6, imm. malillugu naatsorsoqqinneqassapput.

8.S.2. Paasisassarsiorluni pulaarnerni annerpaamik ulloq ataaseq sivi-sussuseqartuni piffissatut pilersaarutaasutut ilanngunneqassaaq. Tiimit § 6, imm. malillugu naatsorsoqqinneqassapput.

8.S.3. Atuarfimmit angalanerit/paasisassarsiorluni angalanerni ilinniartitsisup atuartut ineqatigigaangagit ullormut unnuarmullu ataatsimut 14 tiimit ilanngunneqassapput. Pisuni allani ulloq unnuarlu 8 tiimit ilanngunneqassapput.

#### **8.T. Atuartut festernerneq assigisaallu.**

Atuartut festerneranni piffissaq pilersaarutigineqartoq malillugu ilanngunneqassaaq.

#### **8.U. Atuartunut ataasiakkaanut ilinniagaqarnermik inuussutissarsiuutinillu ilitersuineq.**

Ilinniartitsisut atuartut ilinniagaqarnermut sulinissamulluunniit ikaarsaariarnissaat siunertaralugu namminneq ilitersuisut, tassunga ilanngullugit atuartunut ataasiakkaanut iliusissatut pilersaarutit suliarineqarnerat, atuartumut

ataatsimut aaqgissuussinermut ilaasumut ukiumut tiimit marluk ilanngunneqas-  
sapput.

#### **8.V. Ajornartorsiortoqalernissaanik sillimanermi piffissaq.**

Ajornartorsiortoqalernissaanik sillimanermi piffissaq piffissatut  
pilersaarutigineqartutut ilanngunneqassaaq - tassunga ilanngullugu piffissaq  
tassanngaannaq pisoqarnerani sulinissamut immikkoortinneqartoq.

#### **8.X. Perorsaanermi ullut ineriartortitsiviusut pikkorissarnerillu.**

Atuartitsineq pillugu ulluni ineriartortitsiviusuni peqataaneq pikkorissar-  
nernilu akuerisaasuni piffissatut pilersaarut ilanngunneqassaaq, angalanermut  
piffissaasinnaasoq ilanngullugu, takuuk § 19, imm. 6.

#### **8.Y. Ungasianiit pikkorissarnerit, piffissap ilaani pikkorissarnerit studiekred- sillu.**

Piffissaq ungasianiit pikkorissarnernut, piffissap ilaani pikkorissarnernut stu-  
diekredsinullu akuerineqartoq, pikkorissarnertut/studiekreditsitut pilersaarutigi-  
neqartutut imatut ilanngunneqassaaq:

- a. Ungasianiit pikkorissarnerni, piffissap ilaani pikkorissarnerni studie-  
kredsinilu 395 tiimit tikillugit pikkorissarnis-  
satut/studiekredseqarnissatut pilersaarutaasutut ilanngunneqassapput.
- b. 396 tiimini taakkulu qaangerlugit pikkorissarnerni piffissatut pikkoris-  
sarfissatut pilersaarutaasut apeqqutaatinnagit 396 tiimit ilanngunneqas-  
sapput.
- c. Ungasianiit pikkorissarnerni aamma sumiiffimmi pikkorissarnerni, ilaatigu-  
llu angalaneq pikkorissarfissat qulaani taaneqartut avataasigut taamaal-  
laat ungasianit pikkorissarneq pillugu tiimit pikkorissarfissat akueri-  
neqassapput.

### **Kap. V. Tapit il.il.**

#### **§ 9 Atuarfimmiittunut tapit**

Meeqqat atuarfianni pisortanut atuartitsisunullu aalajangersimasumik  
atorfeqartunut, tassunga ilanngullugu ilinniartitsisunut pisortanullu misiligum-  
mik atorfeqartunut atuartitsinermi ukiumoortumik ima tapeqartitsisoqassaaq  
- pisortanut ilinniartitsisutut atuartitsisutullu ilinniagaqartunut ukiumut kr.  
12.000,- aamma

- timelærinut ilinniartitsisutut ilinniagaqanngitsunut ukiumoortumik kr. 6.000,-

### **§ 10 Iगतitsineq**

Ilinniartitsisut nerisassiornermik atuartitsisut tiimimut atuartitsiviusumut ataatsimut suliartoqqunegariataarsinnaanermut tapit 17,92 kr.-it akilerneqasapput. Tapit taakku § 11-imi tapinut ilanngullugu akilerneqarsinnaapput.

### **§ 11. Annertusisamik immikkut atuartitsineq**

Ilinniartitsisut akuerisaasumik annertusisamik immikkut atuartitsinissamut tiiminik atugassinneqartut tiimit atuartitsiviusumut ataatsimut suliartoqqunegariataarsinnaanermut 32,01 kr.-inik tapeqartinneqassapput. Tassanngaannaq pisut tunngavigalugit atuartoq piffissami sivikinnerusumi annertusisamik immikkut at-uarnissamik akuerineqarpat tapit ukiumit atuarfiusumut sivikinnerusumut akilerneqarsinnaapput. Kisiannili annertusisamik immikkut atuartitsinissamut akuerisaasumut qaammatit pingasut inorlugit sivilussuseqartumut tapeqartitsisoqassanngilaq.

Imm. 2. Ilinniartitsisut atuarfimmi aallartinnissamut immikkullu ilinniartitsinissamut ilinniartitsisoq siunnersuisartoq peqatigalugu taannalu ataqatigiissaareqatigereerlugu angajoqqaanik, atuarfimmi psykologip siunnersuisarnerani pisortanillu pisariaqartumik suleqateqassaaq, ilinniartitsisullu klassimi ilinniartitsisunik pisariaqartumik suleqateqassallutik.

Imm. 3. Specialklassini specialskolinilu ilinniartitsinermi tiimimut ilinniartitsiviusumut ataatsimut suliartoqqunegariataarsinnaanermut 37,98 kr.-nik tapeqartitsisoqassaaq.

Imm. 4. Qaqortumi Tungujortuaqqami atuarfinnilu assingini ilinniartitsisut atu-artut eqqiluisaarnissaannik ikiuineranut tiimimut ilinniartitsisup atuartunik pineqartunik ilinniartitsiffigisaanut ataatsimut ukiumut 7,61 kr.-inik tapeqartinneqassapput.

### **§ 12 Meeqqat atuarfianni atuartunik annertuumik innarluuteqartunnik atuartitsineq**

Ilinniartitsisut atuartunik annertuumik innarluuteqartunik atuartitsineranni tiimimut atuartitsiviusumut ataatsimut suliartoqqunegariataarsinnaanermut 17,92 kr.-inik tapeqartitsisoqassaaq. Kommunip tungaaninngaanniit inummik tapersersui-

sussaqartitsisoqanngitsoq naatsorsuutigineqassaaq. Tapit taakku § 11-imi tapinut ilanngullugu akilerneqarsinnaapput.

### **§ 13 Kollegiani ilinniartitsisut**

Atuartut inaanni ilinniartitsisut suliartoqquneqariartaarsinnaanermut ukiumut 16.770 kr.-inik tapeqassapput

### **§ 14 Ilinniartitsisut siunnersuisartut ilinniartitsissutinillu ilitersuisartut**

Ilinniartitsisut siunnersuisartut ilinniartitsissutinillu ilitersuisartut suliartoqquneqariataarsinnaanermut tiimimut ataatsimut ukiumut 42,35 kr.-inik tapeqassapput, kisianni annerpaamik 396 tiimit akilerneqarsinnaapput.

### **§ 15 Atuarfinni atuakkanik atorniartarfinni sulineq**

Atuarfinni atuakkanik atorniartarfinni sulinermt atuarfinni atuakkanik atorniartarfinni atugassanik suliartoqquneqariataarsinnaanermut aningaasanik tapitut atugassanik immikkoortitsisoqassaaq. Aningaasat ukiumut annertussuseqarput tiimimut 42,35 kr.-inik. Aningaasat atuarfinni atuakkanik atorniartarfinni atugaatilerusunut agguarneqassapput, kisianni atuarfinni atuakkanik atorniartarfinni ataasiakkaat annerpaamik 396 tiiminut tapisiaqarsinnaapput.

### **§ 16 Persaqusersorneqarnermut il.il. tapit.**

Asiariartoqarnera atuarfimmillu angalatitsinerit eqqarsaatigalugit unnuakkut sulinermt aningaasarsianut taarsiullugu ulluni nalinginnaasuni, sapaatini nalliuttunilu sulinermt ukiumoortumik 1.100,00 kr.-inik ajunngitsorsi-aqartitsisoqassaaq kiisalu sulianik avitseqatigiinnermt ajunngitsorsi-assaqartitsisoqassalluni.

Imm. 2. Sulisut ukiumoortumik 616-1078 tiimini sulisartut ajunngitsorsiassat affaannik aningaasarsiaqartinneqassapput. Tamatumingna sivikinnermik sulisartut ajunngitsorsiassaqartinneqassanngillat.

Imm. 3. Ukiumi atuarfiusumi arfininngornerit sisamat qaangerlugit sulinermt aamma sapaatini nalliuttunilu sulinermt immikkut tapiissutit pillugit Kalaallit Nunaanni tjenestemandinut malittarisassat atuuttut atorlugit ajunngitsorsi-aqartitsisoqassaaq. Aalajangersagaq tamanna asiartitsinernut atuarfiullu angalatitsineranut atuutinngilaq.

Atuarfiit ulluni arfinilinni atuartitsiviusut eqqarsaatigalugit aalajangersagaq sapaatikku nalliuttunilu sulinernut taamaallaat atuuppoq.

Imm. 4. Atuarfimmi oqarasuaammik atugassiisoqangippat malittarisassat Kalaallit Nunaanni tjenestemandinut atuuttut malillugit oqarasuaammut tapeqartitsisoqassaaq.

#### **§ 17 Suliaqarfinnut immikkut ittunut tapit**

Ilinniartitsisunut immikkut ittunik suliaqarfegartunut malittarisassat uku malillugit tapeqartitsisoqassaaq:

1. Alloriarfik 3-mi atuarfinni fysikkertoqarnerani kemirtoqarneranilu nakkutilliinermi paarsinermilu ukiumut 5.175,30 kr.-inik tapeqartitsisoqassaaq.
2. Atuarfinni alloriarfik 3-qanngitsuni fysikkertoqarnerani kemirtoqarneranilu nakkutilliinermi paarsinermilu, ilinniartitsissummi atuartitsisoqartarnerani, ukiumut 3.607,44 kr.-inik tapeqartitsisoqassaaq.
3. Atuarfinni minnerpaamik 8 pointeqarfiusuni atortunik AV-nik nakkutilliinermi, ilitersuisarnermi paarsinermilu klassimut ataatsimut ukiumut 253,60 kr.-inik tapeqartitsisoqassaaq.
4. Atuarfinni minnerpaamik 8 pointeqarfiusuni ilusilersuisarnermi atortunik keramikkimik kissaavinnik keramikkimillu ikuallaavinnik nakkutilliinermi, ilitersuisarnermik paarsinermilu ukiumut klassimut/holdimut ataatsimut minnerpaamik ilinniartitsissutini ukunani ataatsimit atuartinneqartartuni: assassorneq ilusilersuisarnerlu, eqqumiitsuliorneq arkitekturilunilu, timersorneq silamiinneq, erinarsorneq, aalaneq isiginnaartitsinerlu, ukiumut 253,60 kr.-inik tapeqartitsisoqassaaq.
5. Atuarfinni minnerpaamik 8 pointeqarfiusuni assassornermi atortunik nakkutilliinermi, ilitersuisarnermik paarsinermilu ukiumut klassimut/holdimut ataatsimut minnerpaamik ilinniartitsissutini ukunani ataatsimit atuartinneqartartuni: assassorneq ilusilersuisarnerlu, eqqumiitsuliorneq arkitekturilunilu, timersorneq silamiinneq, erinarsorneq, aalaneq isiginnaartitsinerlu, ukiumut 253,60 kr.-inik tapeqartitsisoqassaaq.
6. Atuarfinni minnerpaamik 8 pointeqarfiusuni qarasaasianik nakkutilliinermi, ilitersuisarnermi paarsinermilu klassimut ataatsimut ukiumut 253,60 kr.-inik tapeqartitsisoqassaaq.
7. Skemanik suliaqarnermi klassimut ataatsimut skemaliorfiusumut 301,00 kr.-inik tapeqartitsisoqassaaq. Kisiannili tapit naatsorsorneranni klassit

amerlassusaat qaffanneqassapput, § 3, imm. 3 malillugu 50 %-imik naatsorsorlugu.

8. Sananermik atortunik silisinermi ukiumut klassimut/holdimut ataatsimut minnerpaamik ilinniartitsissutini ukunani ataatsimit atuartinneqartartuni: assassorneq ilusilersuisarnerlu, eqqumiitsuliorneq arkitekturilu, timersorneq silamiinneq, erinarsorneq, aalaneq isiginnaartitsinerlu, ukiumut 253,60 kr.-inik tapeqartitsisoqassaaq

#### **§ 18 Nutserinermi tapit**

Atuarfinni perorsaanermi siunnersuisoqatigiit, ilinniartitsisut suleqatigiiffianni, atuarfimmi siulersuisut ataatsimiinneranni angajoqqaanillu suleqateqarnermi atuarfiup ingerlatsineranut atatillugu piumasaqaateqarfiusuni atuarfik pisariaqartunik allakkatigut oqaasiinnartigullugu nutserisoqartitsissaaq. Nutserisunit ikiorneqarnermut atuarfik najoqqutassiussaaq.

Imm. 2. Atuarfimmi sulisoq atuarfimmit najoqqutassiat malillugit, takuuk imm. 1, imaluunniit atuarfimmi aqutsisut qinnuiviginninneranni akuersineranniluunniit nutserisoq nutserisut akissarsiaat pillugit malittarisassat qaqugukkulluunniit atuuttut malillugit akilerneqassaaq.

### **Kap. VI. Piffissamik suliffiusussamik naatsorsuineq akissarsiallu akilerneqarnerat.**

#### **§ 19 Piffissap suliffiusup naatsorsorneqartarnera**

Ukiumut piffissaq suliffiusussaq tamarmiisoq aasaanerani sulinngiffeqarnerat aamma sapaatit nalliuttullu ilanngullugit 2080 tiimiuvoq, 1. aggustimilu 31. juulip tungaanut naatsorsorneqassalluni.

Imm. 2. Piffissaq suliffiusussaq imm. 1-imi taaneqartoq ukioq atuarfiusoq sioqqullugu ingerlatassat pillugit pilersaarutip, tak. § 4, suliarineranut atatillugu naatsorsorneqassaaq, tiimit atuartitsiviusut amerlassusaat katillugit kapitali IV § 6, imm. 2 malillugu suliassanut allanut piffissaq ilanngullugu naatsorsoqqinneqassalluni, 96 tiimit sapaatinut nalliuttunullu aasaanerani sulinngiffeqarnermut atuarfiit aasaanerani matoqqaneranni sulinngiffiusutut isigineqartumut 200 tiimit.

Imm. 3. Ukiumi atuarfiusumi nutaami atuartut klassillu tunngavigalugit piffissaliisoqartillugu tapiissuteqartoqartilluguluunniit, ukioq atuarfiusoq nutaag

sioqqullugu 1. junimi atuartut nalunaartut imaluunniit klassit amerlassusissaatut pilersaarutit atornegassapput.

Imm. 4. 1. septembarimi atuarfimmi atuartut ataatsimut amerlassusaat atuartunik aalajangersimasumik nalunaartunik 30-inik taakkunangaluunniit amerlanernit allanngortoqarpat naatsorsuinerit aaqqiivigineqassapput.

Imm. 5. Piffissap ilaannaa atorfeqartut, assigiinngitsunik suliaqarlutik atorfeqartut perorsaanermilu ikiortit kommunip aqutsiveqarfiani suliffeqartut § 7, imm. 2 - 4 malillugu suliaasanut allanut atugassaat naatsorsorneqassaaq, pineqartup ukiumut atuartitsineri tiimiisut § 6, imm. 2 malillugu naatsorsueqqilluni aamma 1400 tiimit.

Imm. 6. Piffissaq angalaffik malittarisassat tjenestemandinut atuuttut malillugit naatsorsorneqassaaq.

Imm. 7. Napparsimaneq unioqqutitsinanilu sulinngiffiit allat piffissatut suliffissatut pilersaarutigineqartoq atorlugu piffissap suliffissap naatsorsornerani ilaapput. Sapaatit akunneri sisamat qaangerlugit unioqqutitsinani sulinngiffeqarnermi suliaassat suliaartornissamut pilersaarummi ilaanngitsut tiimiisa amerlassusaat peqannginnermi ingerlanneqarsimasutut isigineqassapput.

## § 20 Qaangiuttoorneq

Tiimit 2080-it sinniissutaat qaangiuttoornertut akilerneqassapput.

Imm. 2. Qaangiuttoornerit akilernerit imatut naatsorsorneqassapput

- a. Ingerlatassat pillugit pilersaarut malillugu (qaangiuttoornerit aalajangersimasut) tiimit qaangiuttoornerit siulliit 180-it akilerneqarnissaanni ukiumut aningaasarsiat tiimimut 1/2080-iattut naatsorsorneqassapput, takuuk imm. 3, suliunnaarnersiutinut tapersiissutit ilanngunnagit sumiiffimmilu tapit 50 %-imik ilallugit.
- b. Ingerlatassat pillugit pilersaarut malillugu tiimit qaangiuttoornerit siulliit 180-it akilerneqarnissaanni ukiumut aningaasarsiat tiimimut 1/2080-iattut naatsorsorneqassapput, takuuk imm. 3, suliunnaarnersiutinut tapersiissutit ilanngunnagit sumiiffimmilu tapit 25 %-imik ilallugit.
- c. Ingerlatassat pillugit pilersaarummiittut saniatigut tiimit (qaangiuttoornerit aalajangersimannngitsut) akilerneqarnissaanni ukiumut aningaasarsiat tiimimut 1/2080-iattut naatsorsorneqassapput, takuuk imm. 3, suliunnaarnersiutinut tapersiissutit ilanngunnagit sumiiffimmilu tapit 50 %-imik

ilallugit. Tiimit atuartitsiviusut ingerlatassat pillugit pilersaarummi-  
inngitsut tunngavik 2,0 naatsorsoqqinneqassapput, takuuk § 6, imm. 2.

Imm. 3. Ukiumut akissarsiat qaangiuttoornernut akiliutit naatsorsorneranni  
tunngaviusut imatut naatsorsorneqassapput:

- a. Tjenstemanditut atorfillit qaangiuttoornerannut akiliut ukiumut 236.727,74  
kr.-isut naatsorsorneqassaaq sulisunut akissarsiat inissisimaffianni 26 -  
30-miittunut imaluunniit akissarsiat ukiumut 280.090,94 kr.-isut akis-  
sarsiat inissisimaffiat 30 sinnerlugu qaffasinnerusut akissarsiat qaffa-  
sissusiat tunngavigalugu.
- b. Isumaqatigiissut malillugu atorfeqartut aamma timelærerit ilinniartitsisu-  
tut ilinniarsimasut qaangiuttoornerannut akiliut ukiumut 238.813,83 kr.-  
isut naatsorsorneqassaaq sulisunut akissarsiat qaffasissusaanni 7 - 13-  
imiittunut akissarsiat qaffasissusaat tunngavigalugu imaluunniit akis-  
sarsiat qaffasissusiat 13 sinnerlugu akissarsiat ukiumut 279.988,57 kr.-  
isut qaffasissusiat tunngavigalugu.
- c. Timelærerit ilinniartitsisutut ilinniarsimangitsut qaangiuttoornerannut  
akiliut pineqartup akissarsiat qaffasissumiiffiani ukiumut akissarsiai  
tunngavigalugit naatsorsorneqassapput.

Imm. 4. Qaangiuttoornerit 15 minutsit aallartikkaangata akilerneqartassapput.

Imm. 5. Sulisut 60-inik ukioqalernerminni piffissamik ilasiffigineqarsimasut  
nalinginnaasumik qaangiuttoornerisqassanngillat. Qaqutigoortumik qaangiuttoor-  
nersiaqartitsisoqarpat taanna § 20, imm. 2 malillugu akilerneqassaaq.

## **§ 21 Akissarsianit ilanngaaneq**

Piffissami sivikinnerusumi akissarsiaqarnani sulinngiffeqarnermit akissarsianit  
ilanngaatit suliffimmiinnginnermi ulluiit amerlassusaat tunngavigalugu naatso-  
rsorneqassapput. Ullut suliffissat pineqartut tamarmik ulluni pineqartuni ullut  
skemani tiimeqarfiusut apeqqutaatinnagit assigiimmik pingaaruteqarput. Ullut  
sulinngiffiuvissut qaammammut akissarsianiit 1/25-imik ilanngaatigineqassapput.  
Tapit, suliartoqquneqariataarsinnaanermut tapit, atuartitsinermi tapit aamma  
meeqqat atuarfiat pillugu isumaqatigiissutit atuuttut malillugit qaangiuttoor-  
nertut aalajangersimasut ilinniartitsisunngorniat sungiusaammik sulinerannut  
atatillugu qaammammoortumik aalajangersimasumik qaangiuttoornerit qaammammut  
akissarsiani ilaapput.



Imm. 2. Akissarsiaqarani sulinngiffeqarnermut, ullut ilaanni kattuffimmi suliner-  
nermut, unioqputitsilluni sulinnginnermut imaluunniit pisuni allani suliar-  
nissaq pillugu pilersaarut malillugu tiimit amerlassusivii takutinngiffinnut  
atatillugu tiimit takkutinnigiffiit akissarsianit ilanngaataasassapput. Tiimit  
takkutinnigiffiit naatsorsorneranni tiimit atuartitsiviusut naatsorsoqqinneranni  
1,88 atorlugu naatsorsorneqassapput, takuuk § 6, imm. 1 aamma 2. Tiimit tak-  
kutinnigiffiit tamarmik piffissaq tamaat sulinermi ukiumut akissarsiat 1/2080-  
iattut naatsorsorneqassapput.

Ukiut akissarsianut ilaapput meeqqat atuarfianni tjenestemandit pillugit akis-  
sarsianik qaffasissusiliisarneq pillugu isumaqatigiissuuni immikkut tapit aamma-  
lu tjenestemandit akissarsiaat pillugit iluarsiiisarneq pillugu isumaqatigiissu-  
miittut tamanut tunngasut. Akerlianik tapit piffissaq suliffissaq pillugu isu-  
maqatigiissuuniittut aammalu ilinniartitsisunngorniat sungiusaammik sulinerannut  
atatillugu tapit ilanngunegassanngillat. Takkutinnigitsoornerit takkutinnigitsoor-  
neri tamani tiimit amerlassusaattut naatsorsorneqassapput.

Imm.3. Aasaanerani sulinngiffeqarnermut atatillugu akissarsianit ilanngaatit  
aasaanerani sulinngiffeqarnermi ullormi ataatsimi qaammammut akissarsiat 1/25-  
iattut naatsorsorneqassapput. Qaammammut akissarsiani ilaapput tapit tamarmik,  
meeqqat atuarfianni akissarsianik qaffasissusiliisarneq piffissarlu suliffissaq  
pillugu isumaqatigiissutit atuuttut malillugit aalajangersimasumik qaammammut  
tapitut akilerneqartartut, tassunga ilanngullugit immikkut tapit, suliar-  
toq-  
quneqariataarsinnaanermut tapit. Akerlianik ilinniartitsisunngorniat sungi-  
usaammik sulinerannut atatillugu qaangiuttoorneriat aalajangersimasut akis-  
sarsiallu ilanngunegassanngillat.

## **§ 22 Akissarsiat tunniunneqartarnerat**

Ingerlatassanut pilersaarut naapertorlugu aningaasarsiassat qaangiuttoornissallu  
qaammammut 1/12-imik tunniunneqartassapput.

Imm. 2. Tiimit ingerlatassat pillugit pilersaarutip avataaniittut qaammatip naa-  
nerani suliffiit nalinginnaasumik akissarsianik akiliinermi siullermi akiler-  
neqartussanngorlugit nalunaarutigineqassapput.

## **§ 23 Tapinik il.il. iluarsiiissuteqarneq.**

Tapit il.il. Kapitali V-imi aalajangersakkat malillugit 1. aprili 1991-imi  
aningaasat tunngaviusutut allassimapput aammalu IMAK-imi tjenestemandinut immik-

kut tapit suliartoqqunegariataarsinnaanermullu tapit aqqinneqartarnerat pillugu isumaqatigiissut qaqugukkulluunniit atuuttoq malillugu aqqinneqartarput.

## **Kapitali VII Atuutilersinneqarnera il.il.**

### **§ 24. Atuutilersitsineq il.il.**

Isumaqatigiissut una 1. apriili 2014-mi atuutilerpoq. Tassunga peqatigitillugu Kalaallit Nunaanni meeqqat atuarfianni ilinniartitsisut piffissaq suliffissaat il.il. pillugu isumaqatigiissut 30. maj 2012-imeersoq atorunnaarsinneqarpoq.

Imm. 2. Isumaqatigiissut isumaqatigiissutit pillugit nalinginnaasumik isumaqatigiinniarnernut atatillugu atorunnaarsinneqarsinnaallunilu isumaqatigiinniutigineqarsinnaavoq.

Nuuk, ulloq augustusi 27, 2014.

Ilinniartitsisut Meeqqat Atuarfian-  
neersut Kattuffiat (IMAK)

Naalakkersuisut  
sinnerlugit

---

Sivso Dorph

---

Michael Würtz